



Istraga nakon 2-godišnjeg zlostavljanja djevojke

Predložen pritvor za robovlasnika

Abdija Osmanović saslušan u Tužilaštvu, danas odluka • Izvjesni Dženef i Miki tražili od Abdije 500 KM da bi mu otkrili gdje je njegova žrtva pobjegla

Nakon što je Državna agencija za istrage i zaštitu (SIPA) u Bijaću uhapsila 48-godišnjeg Abdiju Osmanovića iz Živinica zbog sumnje da je kupio 24-godišnju A. Š., koju je više od dvije godine zlostavljao te prisiljavao na prosjačenje, jučer je Tužilaštvo BiH predložilo da mu se odredi jednomjesečni pritvor. Odluku o pritvoru danas će donijeti sudija za prethodni postupak Suda BiH.

Slučaj još mučnijim čini i saznanje da je nesretna djevojka osoba sa posebnim potrebama te da ima blagu mentalnu retardaciju.

Stalna tortura

Tužilac se prilikom predlaganja pritvora, kako saznajemo, vodio i šokantnim detaljima dosadašnje istrage, to su konstantna seksualna, psihička te fizička kažnjavanja ukoliko djevojka ne isprosi dovoljno novca za osumnjičenog Osmanovića.

Nesretna djevojka je, prema kazivanju našeg izvora bliskog istrazi, mjesecima silovana te ponižavana. Istraga je pokazala da joj je Osmanović čupao nokte na rukama i nogama, gasio cigarete po tijelu te je bičevao ka-



blovima, ali i udarao rukama, nogama te raznim predmetima po cijelom tijelu.

Specijalci i istražitelji pretresli su mali pansion na početku bihačke Jablanske uljce, vlasništvo H. B., u kojem je osumnjičeni Abdija živio sa suprugom Senadom, odakle su izuzeli dokaze koji će se koristiti u krivičnom postupku protiv njega.

Osmanovićeva supruga Senada i jučer se oglasila,


tvrdi da ih je nekoliko mjeseci nakon odlaska djevojke iz Bijaća, telefonom nazvao njihov komšija i rođak Jasmin Osmanović i tražio od Abdije novčanu nagradu za informaciju kod koga živi A. Š.

Tražili novac

- I Jasmin je sa porodicom prošao po Bijaću. Rekao je: "Meni muštuluk, znam gdje je A. Š." Tražio je 500 maraka, a Abdija mu je rekao da nema ni za kiriju. Naposljetku je Abdija rekao da će mu dati 300 maraka, samo da vidi ima li tu išta - ispričala je Senada.

Jasmin je Abdiji poručio da će ujutro doći jedan čovjek, koji će mu kazati sve, ali da prvo mora dati novac.

- Nakon tog telefonskog razgovora, ujutro su stigli



Jasminov brat Miki i čovjek po imenu Dženef. Sjeli su s Abdijom u obližnji kafić i rekli mu: "Daj 500 KM i vodimo te da vidiš gdje A. Š. radi." Abdija je odbio i tražio od njih da dovedu djevojku kod njega, a onda bi sve prijavio policiji - kazala je Senada.

A. ALJIMI - M. DEDIĆ

Bijeg i ometanje istrage

Kao razloge za Osmanovićevu pritvaranje, tužilac je u prijedlogu naveo i opasnosti od bijega, ometanja istrage i prikrivanja dokaza. Osim toga,

pritvor je zatražio i zbog utjecaja na svjedoke ili saučesnike, koji su mu pomogli prilikom izvršenja krivičnog djela trgovina ljudima.